

本港對海旺角

新設聖堂一所

籌備已久之對海旺角聖堂已於本月十一日由韓神父恭請本港恩主教舉行祝聖開幕典禮矣。是日有司鐸數位及中西信友百餘人參與典禮。情形甚為擁擠。熱鬧異常。

查旺角與九龍塘德肋撒堂。深水埗寶血堂。尖沙咀玫瑰堂。路程相距之遙。均在伯仲之間。故每逢主日占禮。信友無論赴任何聖堂與祭。徒步維艱。頗感不便。韓神父有鑒於此。認為建一新堂於旺角。實為刻不容緩之舉。惟一時不易選擇適當地點。故暫租一所以應信友之需要。

按新堂設置。中為祭臺。兩旁放置跪凳。門限內間以屏門。後座闢一會客室。並聘一宣道員助理。每逢占禮五晚講道。一則以便教友研究聖道。一則對外宣傳。以資認識真主云。